

P R A E F A T I O.

depictas imagines ferunt, nunquam hoc opus, etiam si maximè ipsis emolumentum esset futurum, admittent. In his denique urbium enarrationibus eorum scriptis vñ sumus, qui eas ipsi peragrarunt, & oculis accuratissimè perspexerunt, ne quis mihi de ignotis; & nunquam à me visis, multa scribere obijciat. Eos autem auctores iam omnes ex ordine recenserem, sed prolixitatis evitandæ gratia, id omitto. Desiderantur quidem adhuc aliquot urbium typi, quos bellicis præpediti tumultibus, non ita commodè obtinere potuimus. Quod si itaq; Urbium Moderatores, aut quicumq; tandem alij, Ciuitatum suarum delineatione, splendoris aliquid operi nostro, historiarum etiam, & picturæ amatoribus, in honesta Litterarum studia, animi propensionem significare, eamq; nobis communicare voluerint, suo eas loco collocabimus, neq; ipsi à nobis præteribuntur inditi. Ita opus hoc nostrum mirificè multarum urbium genuina descriptione ornauit ac auxit præstantissimus, doctissimusq; vir, Dominus Abrahamus Ortelius Anuerpianus, hoc nostro tempore insignis Cosmographus, quo optimos quosq; honestis Litterarum studijs fauentes, maximo beneficio affecit. Nec minores gratiarum actiones merentur summi illi præstantissimarum artium admiratores, Georgius Hofnagel Anuerpianus Mercator, & Cornelius Chaymox, quorum ille viuos & accuratos Hispanicarum, hic verò aliquot Germanicarum urbium typos, per humaniter nobis communicauit. Idem etiam singulari animi propensione fecit, generis virtutumq; splendore Clarissimus vir ac Dominus, D. Constantinus Liskirchius, Florentissimæ Reipubl. Coloniae primarius hoc tempore Consul: cuius spectabilis omniq; officiorum genere à nobis obseruanda dignitas, earum urbium, oppidorumq; descriptionibus opus hoc nostrum adauxit, quæ ex Africa, Asia, & India pauci vnquam ante depictas viderunt. Nec minus de Cosmographiæ & historiarum studiosis bene mereri voluit Reuerendissimus & Illustrissimus Princeps ac D. D. Gerardus à Grosbeck, Leodiensium Antistes, &c. Cuius Illustris. Cels. procurante Reuerendo D. Georgio Syluio, eiusdem Diocesis D. Suffraganeo dignissimo, urbis suæ Leodiensis viuum & accuratam effigiem, operi nostro inferendam, pro liberali Illustrissimæ Celsit. suæ in studiorum cultores propensione, communicauit. Reliquum nunc est, vt

Candidum spectatorem, lectoremq; beneuolum peramanter rogem, vt studium nostrum, quo bellissimè eum reficere, & recreare conati sumus, boni

consulere, eiq; optimè fauere dignetur. Coloniae

Agrippinae, M. D. LXXII.

